

國

朝

詩

鐸

國朝詩鐸卷五

錢塘張應昌仲甫選輯

水利

吳農歎

顧夢麐

四座且勿喧聽我吳農歎農本民最苦吳尤極塗炭茫
茫九州儲江南橫居半誰又半江南蘇松數州縣縣皆
五十萬編若魚在貫往時水利修入海流汧汧霖霖亦
時遭蓄洩憑晝旦勤耕儉所食輸輓尙非難自從黃浦
塞奄至白茅曠劉河再見枯如狂障其瀾雨潦爲都居
一積遂莫散分流劇奔注春水方渙渙含美似穀芽栽

蔣滿邱段截虹喜欲舞挂龍驚已汗號呼大槲作蟻附
手足亂須臾防守疎千頃墜瀰漫室廬鼃黽雜婦子魚
鼈怨空梁鼃徒懸晨坐午不爨微帖六月下聲息復非
慢豈乏高原收取盈無雨案經營迫稱貸但釋胥吏慼
白身造公庭捶楚皮肉爛田荒無人售俗薄無處竄在
潛甯爲鱗在飛甯爲翰有客前告我斯義未河漢時災
天所爲不雨久成旱地災人所棄下流百世患上者師
神禹疏鑿一朝斷還海故道時滔滔去何糾次者爲白
圭高築尋文岸齊施桔槔力猶得飽精粢不然守故智
因循自惒翫吾聞俯首泣覓句倣畫墁聊爲四座歌敢

望要途看

濬溝洫

周 篆

不溉何用耕無泉安取灌自非濬溝洫經營意徒亂千里莽蒼間邇迤平若案豈不任耒耜無以禦潦旱溢須地飲乾枯祈天渙汗此實人事乖非闕農越畔高引何處山低築幾許岍源遠雲漢回流分絲縷散土生生氣奢立苗苗力憚會見青青蒿條成白白粲非徒實公儲南紀資襄贊未雨先綢繆在此高下判地勢無山河亦略隔使斷世事偶不然并足資禦捍

杭州水利不治者累百年矣巡撫趙公考城河故

道悉濬治之鄉人來述喜而作詩 朱彝尊

武林古澤國十八澗九溪當年宋宮闕溝水流東西陳
迹漸已湮深谷皆成蹊民居日湫隘編竹兼芘荊猛火
一燎原悲焰百室迷途徹大小屋繙井愁難躋女丁配
夫壬相顧但愴懷吏治徇目前孰能防禍梯中丞溢世
才利器剗水犀下車命丞倅故道資考稽率錢具畚鍤
曾不煩鉏犁經始底告成歲序尙未暎坐令闐闐間無
異蘇白隄紅闌江齒列赤石羊肝剗嘔啞小航船蹠蹠
快馬蹄停鞭市蓮藕倚檻來鳬驚柳陰穀犬鳴露脚莎
雞啼祝融迴其馭婦女方安栖乃知濟時策不在拯顛

濟公之治水術豈獨過白圭泉清原隰平名與召伯齊
我家由拳城閭巷多蒿藜願公於墨吏如決濁水泥上
以答 天子下以甯羣黎

城渠開

潘耒

臨安城中十萬戶泉源蓄洩渠一縷何年梗塞半爲土
深不容刀淺如釜血脉既以枯咽喉鬱不吐煩蒸偃側
奈何許火災數起疾病多使我民兮苦復苦車軒軒中
丞來中丞來河當開教令一朝下動地歡如雷千夫畚
萬夫鍤波鱗鱗泥獵獵疏渠之淤濬渠狹雲揮電霍不
停睫二百年來沙礫場方舟連筏流湯湯役徒百萬不

費民間一斗粟中丞經略誠非常君不見白公隄李公
井一時功績千秋永嘉名更有趙公渠誰能補入河渠
書

城渠開

和潘次耕頌
趙中丞作

吳農祥

錢塘萬井苦斥鹵萬井春泥浸堂廡前賢遺迹阡陌荒
三尺清泉千丈土千丈土咽不流銅街鐵市成山邱居
者歎息行人愁往往餘孳生斗牛城渠長何年塞長蓬
蒿亂荆棘皇皇負販兒奔走苦無力郭東有樵郭西禾
我獨何爲困衣食城渠淺何年開不見融風晝夜起至
今瓦礫埋黃埃我欲上天扣閭闔安得黃金白璧輸將

來侃侃中丞公下教敕郡縣荷重萬夫歡立繩十里徧
沃者細如絲奔者白於練民不疲勞吏無倦昔年河渠
眼中見報公功德豈能忘譬如清流之水縣澤長

吳中
吟 溝洫

王原

井田制已廢溝洫意未亡大川注吠澮引漑利乃長細
流比如櫛爬梳歲爲常小民昧久計偷惰相顧望官府
怠於理王制弛不張一切趨目前如宿郵亭郎旱潦乖
蓄洩小蓄成大荒巨浸曰震澤底定由三江三江迹半
湮如噎幾廢吭濬治自壬子吳淞流湯湯廿載半爲陸
轉瞬堆沙岡東南淼大海泛濫須築防芻言陳利病蚤

計綢繆方

築隄歌

張景蒼

土橋郡之陽歲久皆水鄉袁顓之水何澎湃東南一望
成汪洋百年老隄冲決口淹沒沃田萬餘畝前人雖
莫善後日費斗金不垂久遼陽白公撫豫章民瘼寢食
未嘗忘下車之始首建此指揮籌畫何周詳匡襄更有
賢太守不避風雨身先受一日督率萬千人能使人人
不停手五里長十丈厚打千椿堆萬簣猶恐未堅牢沿
河遍栽柳中丞建此不易功惠澤豈在蘇之右臨安隄
與臨江隄利濟千秋同不朽

下田雨歎

徐昂發

古者制田畝其要惟溝防崇方與廣
稠秩秩懸憲章厥田雖沮洳
畛峻且強水淫不能災歉歲成豐穰
漢時賢守令此義尙肅將奈何千載
下腴剝爲循良養人乃食人田事豈
所詳遂使三尺雨下隰波滄浪嗚呼
匠人職古法未泐茫溝防廢不修萬
姓罹凶荒一言俟采風吏責非天殃

築隄行

爲李麟使作

陸奎勳

淮流合泗本禹迹通江刷河絕地脈
隄防涵洩規畫詳此邦幸免蛟龍宅
鑿山鑄頑銅不及煮海功淮揚鹽筴

額征二百萬亭場三十瓜分下上中往者范文正長隄
捍海隅始釋昏墊災永利豐國儲泰州東臺場中央清
浦一道波茫洋石尤風起斷行旅捩柁長年顏色死估
船寸步不得進挾貲惴惴萑苻取疇爲范公補闕畧高
高下下勤相度離使李公清能者命建新隄僉曰諾方
秋泝水決下河鳩形鵠面流亡多救荒良策在興役百
二十里環坡陀縱遇風濤惡銜艫挽一索支港架浮梁
斥堠謹宵柝原田每每仰灌輪噉噉雁戶那其居何羨
芍藥之陂龍骨渠竭來邇上五春秋名蹟一一圖經搜

陳侯塘

陳登

邵伯埭

謝安

晏相溪

泰州西溪

袁守櫃

宋袁中儒

滄桑陵

谷幾變遷惟人能支天所壞實心實政享厥名明年快
睹李隄成清風作誦屬吉甫書績穹碑曜千古

雖便旋覆
惜其事也

舟行福山港

欽 璉

具區貫六州汪洋衆水腹尾閭洩吳淞一水去難速古
人憂國心議論詳簡牘分流殺奔溢度土循地軸衮延

二百里濬浦三十六歲久大半湮蒲葦長蓼蓼尙聞海

虞境江海分茆福

白茆福山二港也水自白茆
出者注海自福山出者注江

吾來值

嚴冬淺涸僅盈掬舟子告途窮停橈且止宿曉起問野

老歎息眉頻蹙前年曾疏濬遺迹欣已復其廣極丈尋

其深沒車輻棄置今十載沙積水仍縮豈惟阻商旅實

乃病洩蓄茲情屢上陳縣官屏勿錄吾聞重歎息鄙哉
徒食肉咫尺近城闔福山港在虞山北門外里許公餘盍寓目芻牧
宜早求慎勿效平陸

舟行吳淞江

前人

吳淞古稱三江一太湖之水從此出二江湮沒已莫考
茲江廣亦溝渠匹芟蘆叢生夾岸旁洪濤變土驚滄桑
微波細水勢力弱豈能暢達流湯湯江流既滯潮流溢
時傷室廬及阡陌譬人滿飲填胸腹泄瀉無由必上逆
吾聞錢氏據吳年營田軍卒歲數千作渠導河更番至
水旱不虞民熙然自宋迄明良法革一任汙泥隨潮汐

直成平陸始倉皇。暫一開疏竟何益。先皇宵旰念東
南。親簡大臣命細探。十萬金錢頒少府。如雲畚鍤集
丁男。自冬屆春功垂成。馮夷肆虐巨堰傾。松江太守隨
波逝。疏入九重爲震驚。詔書切責諸臣。恐紛集江干
議論。洵河臣稽古誇奇謀。木龍拖刷削臃腫。平江百里
水迅疾。柔艣輕帆馬奔逸。是時余方署縣篆。目擊顛末
頗盡悉。迄今九載。余重經兩岸。已見沙泥停嫩草初生。
細如髮。農夫耕治畦與町。聖朝建極御九有。洞燭三
吳是澤藪。特降德音諭羣僚。隨時修濬戒勿後。大哉
王言。睿慮周如何。在位竟悠悠。推蓬四望一長歎。誰司

民牧貽君憂

吳江長橋歌

蘇文忠公嘗言吳江長橋實三江五

明蔡忠襄亦疏稱長橋係浙直孔道古八爲門
七十有二以殺水勢良有苦心乃貪利者占爲
菱蘆數百頃漸填爲平壤架作市房又數頃矣
湖水一漲灌城而入則全縣之田蕩然是橋之
設關一邑大利害也今夏淫雨傾圯數饑
當事鳩工董治非復故迹爰縷叙以告之

葉舒瑤

茲橋名利往板築慶厯年元初甃以石赭血驅神鞭踵
事漸增飾欄楯絢朱鉛危亭高崕岼俯瞰萬井煙仿像
渴虹飲咀呬流腥涎洞門七十二下杙鋪層輒雨獅互
蹲伏雄勢窮雕鐫鎮壓砰訇怒弱纜差安便梯空接銀

漢沔浸蟾輝圓行人踏鰲背履道如砥平往來朝及暮
戛轂兼摩肩到今閱幾代林谷形移遷鐵索嚙易朽礎
柱能牢堅修葺苦不早既壞思扶顛譬若壺已失敗絮
塞漏船番捐徒爾爲繁費糜金錢不救蟻隄潰轉速蠹
梁捐緬維司空職視途在所先單子卜陳咎覆轍垂簡
編國工失繕治病涉伊誰愆吁嗟此澤國吐納瀆與川
尾閭洩入海橋實通喉咽潮汐積淤澱衆脉何由宣奚
堪水故道湮沒芟蘆邊漲灘劇庠瘠妄冀成桑田陞科
稅重額遺累非茑茑豪家况分占架構參差廛湖身日
就窄壅噎莫甚焉吾欲悉剗去曠望環淪漣由來興大

役母取但補偏。隄須復厥舊。饬必規其全。蒸同統萬土。
楸用石鹽楸。蟬螻插天峙。百丈縈蜿蜒。湍奔了無梗。絡
脈常鉤連。愚公志則勇。孰假澄清權。

書吳鑑齋傳後

仁利和吳玠上范中丞書言三吳水利時雖不用識者韙之其傳吳農

祥撰

齊名南

維揚古澤國。巨浸曰太湖。首西受荆霄。尾東蟠姑蘇。汪
洋匯羣川。浩淼帶三吳。中有無數山。錯落點鷗鳬。外有
無數渠。網目環蜘蛛。舟楫會東南。村郭依葦蒲。稻田足
澆灌。財賦雄寰區。稷米雪色白。百萬漕京都。一線牽官
河。青天行舳艫。往者明代季。水利廢勿圖。有司例因循。

所急惟催租自從吳淞外港汊有若無青龍既以湮白
鶴亦以枯三泖及七丫關束何能趨時雨成愁霖積潦
冒泥塗我朝勤政理濬距恤民瘼吳生淹雅人慷慨
捋髭鬚畫地圖可成著論博諮諏震澤源與流十指胷
紋臚上云稽古昔下云陳其愚拜手告岳牧并諭鄉大
夫莫惜工費鉅底定復禹謨雖殫目前勞際海永無虞
諸公亟圖效大笑生何迂生言固不迂見或守一隅從
來獻良策下策爲時需吳生老布衣經濟才可敷我讀
吳生傳彷彿同王符

上塘行

汪沅

上塘河水百里程西仁和接東海甯夾岸腴田三萬頃
禾苗灌溉長青青我昨扁舟出北郭道逢田父泣相告
縣符火急催新糧起視田無一粒穀年年五月梅雨多
小浜大港接官河懊恨堤堰私盜決尾閭洩盡成枯禾
方今官長比名杜哀爾農人勤作苦眼看畚築急修防
河水瀾瀾盈上塘明年飽飯歌豐穰滿篝滿車輸官倉

淞江水 潯河無擾美守令也 祝德麟

淞江水緯湖經泖貫海門洑迭漩漲三百里岸痕消長
俄頃間朝潮夕汐來無已潮來挾沙至汐退留泥去沙
停泥積底漸高米碇剏原寬濶處市廛十萬環郡城城

河如帶交迴縈洩滂流惡利疏浚十年五載工頻興人
知開河好却識開河惡郡符縣帖下如雨吏胥里正滔
滔樂吏胥領符催歛錢里正持帖沿門傳得錢太平且
分潤官囊吏橐先充然簠簋馨鼓紛轆轤百肩挑荷千
指摠今日簿來巡明日尉來察不問爬梳丈尺深只向
人家虛恐喝壓其欲遂報工竣其實工無十七八今年
亦開河開河利賴多民工民辦不涉官吏手但令父老
董率無征科有時令尹出弗待鞍馬馱繖蓋屏弗御僕
役靜無訶緣隄終日勞奔波兩岬泥淖沒袴鞬忍飢忍
渴徧咨度愴者激勸勤者溫語呵于來距躍樂且歌華

亭誰麻城王

勸

婁縣誰仁和張

昌領以太守趙鑑堂

喜

如琴瑟弦調宮商平時飲淞一杯水興利攘弊難具詳
五旬歲事若無事河深尋丈波汪洋少婦暮澣衣老嫗
朝接淅聲聲但頌使君德不用乘輿濟人學洧溱亦不
必穿渠溉田似鄭白聽我歌淞江水淞江水流達四隣
司牧之官請視此

磁州見水田

齊

神

東南多曠人西北多曠地

昔人謂東南有可耕之人而無其地西北有可耕之地而

無其溝洫力宜盡往往成廢墜遂令水汨陳爲害不爲

利我行自粵東道經荆與豫憑軾觀原晦時或詢民事

中州曰粵衍陰陽之和萃其秬惟黍麥其田等赤埴谷
汲而山居詎無泉脈庇亦有潦與洧不以資灌漬弗瀦
而弗防盈涸聽其自十仞潦既傷五仞旱復熾茫茫千
里途由鄭而及衛每歎阡陌開膏腴盡委棄竭來磁州
路水聲鳴沸沸特書慶新渠路旁碑矗矗高下原隰間
龍鱗相櫛比溝塍厯落開界畫分行位一從而一衡井
井有經緯禾稼方登場陌上無遺穗恍若在江鄉陂塘
相鬱蔚井田不可復潛遂宜建置都水與農田其政非
有二禹貢紀濬川田與河兩治周禮載稻人均舍法明
備或云幽并壤土疎水易匱朝浸夕輒曠澆灌談何易

我觀耕穫功道在耘耨至泥融罅不生糞多土成淤孟

氏著深耕特爲闡其秘

昔余從裘文達公治北直水利言及農田公云高安相公嘗經

理農田以土疎不能蓄水其事遂寢近閱周碩勲廉州府忘農桑篇有再犁一條云初春犁過頭遍至將插時再犁再耨蓋頭遍止能使泥土解散必再犁再耨然後田中之罅隙漏縫填塞充滿可以耐旱試以上下脣連之出驗之凡一犁一耨者遇旱先乾若再犁再耨之田容易不涸而禾色榮枯亦各別因思孟子深耕易耨之旨益信其磁州燕晉交非同江淮洳胡亦雨爲渠芊芊說非謬也

杭稻植偏隅既可施推之一以措惟水能滋木天地此

生意旱蓄澇洩宣一一爲儲預因之疏濬通兼可防壅

潰况任西北土而經西北費飛輓可不勞天下咸衣被

國用於以饒民生於以遂偉哉虞伯生力陳徙薪議

七浦塘

張 埏

七鴉東西浦延袤百里長西浦五十里東浦四十疆濬洩兩郡水利在東南鄉西受巴城湖北連白茆塘貫輸具區委崑新及昭常不濬十餘年淤沙高於岡或旱而乾暵或潦而汪洋所以沿塘民久不秬稻梁昨日撫檄下東浦尅期浚縣官大歡喜吾民得沾潤興利守土責大要在廉慎吏胥大歡喜吾家得沾潤亟召圩保來亟把冊籍進圩保大歡喜吾身得沾潤佑土晰分毫驅丁及髻鬣吏胥及圩保聯屬如介攬一日佑土方二日計工段三日分田畝舊籍任點竄兩手持繩竿上下任轉

換一一爲關說絲絲盡權算圩保白吏胥今日須開工
舟輿及廬舍一一皆預供帷帳及飲食種種皆豐隆吏
胥白縣官今日須開工上官限頗迫不爾恐悞公縣官
令出票票下急如火須與萬錢興于百無一清汙泥沒
至胣短衣不蔽裸近者饋送忙遠者芻糧裹近者暮歸
還遠者棲蓬顆圩保及吏胥各各張繖坐一日浚五寸
兩日浚一尺十日五尺強蟬聯互鳩覈竣工四十日不
則不汝釋五日縣官來圩保大扑責圩保利扑責醵錢
有常格十日縣官來吏胥大扑責吏胥利扑責醵錢有
常格逡巡一月餘數萬付一擲民橐早已空民力亦已

竭其實計通河高卑甚凹山有錢尺當丈無錢丈當尺
圩保及吏胥對面慣乾沒况復通海沙潮汐易淤積淤
積轉眼間農商雨無益圩保白吏胥今日須收工舟輿
及酒食一一皆預供吏胥白縣官今日須收工上官限
已迫不爾恐悞公縣官出片紙萬衆謹歸農歸農競相
語爽若開樊籠我力雖已竭我橐雖已空來牟方應候
歸猶及田功不出三四年還當此相逢圩保謂吏胥遠
當送乃公腹心久相託他事仍求通吏胥謂圩保何用
太匆匆不出三四年還當此相逢七鴉裘百里東浦四
十強瀧洩兩郡水利在東南鄉不濬一隅病濬之闔邑

創不旱而乾燠不潦而汪洋十年一再浚所費誰其償
况有他幹河畚鍤以爲常古人用民力時刻殷如傷與
利豈弗善立法恐未臧作詩諗來者隱憂在維桑

吳淞水利古意

三江水利說者不下數百家而顧

周公之襄四人予讀其書采其辭

意作古詩四章於水利或有補云趙王佐

治湖懷何人其一曰邾氏欲治太湖流先去太湖累西
北挈其綱東南爲之紀一一得所歸俾毋亂湖水湖水
既安瀾會見歌億秭治水以固田君言不外此得失判
六條碎金在故紙卓哉崑山書水利從茲始

邾子已自奇單書更可玩上爭溧陽堰下爭吳江岍江

尾接海門大患在梗斷去梗岸增梁治湖思過半末後
浚三江湖流息奔灌固曰先導水殊塗理實貫東坡上
其書不行堪喟歎異世取知音雨書耿雲漢

勝朝成祖初疇咨得忠靖治水尋禹迹吳淞惟綱領爰
自古垂虹迤邐達范浜劉港與白茅迅瀾水勢猛引湖
合其流分趨江海境浦澈既開洶隄岸漸修整堅築無
倖功良法今還炳

夏公去幾時吳淞仍湮塞緬惟正統年文襄迹尤赫經
度江東西直北獨坦易平窰一斗泥亡何成疆場坐是
遏江流水道日偏側公旃駐江干立表爲之的往來七

浦間渠牘貽典則。涖任甫二年。妖孳生吳域。大雨挾雷
飛。颶風吹海立。萬姓待三秋。千里嗟一白。隄防復繕完。
賴公起溝瘠。歲久大功成。猗歟駕古昔。

胡敬林中丞新政詩見善政門

津門
樂府

十字圍

思水利也

鄭祖琛

忠毅疏潞客談冀北何地無江南。呀呀啞啞水車動。綠
楊委地春鬢鬢。長官一片心。農夫千日力。碁盤畫出十
重圍。白沙化作黃金色。斥鹵可耕渠可通。古今農事將
毋同。吁嗟乎。落落海濱地。茫茫古人意。居民懶畚鍤。競
逐魚鹽利。豐碑下馬拜賢王。苔痕綠上斜陽字。

沁渠行

明袁應泰令河內鑿太行爲五龍口故沁水灌田歲久湮塞癸卯康茂園觀察清復

之連歲旱熯渠所溉五縣無飢人

黃定文

巨靈劈山洞山底夜半精魂泣山鬼千年石髓搏成泥
山頭一片黑雲起五龍口豁山崢嶸一呼一吸爲雷霆
白波翻空海水立銀河倒挂天瓢傾天瓢飛洒建瓴下
高截成渠低築壩迸散春泉掣亂蛇平分遠隴明方畧
去年春旱連千里五縣山田獨平水千畦百汊巧隨人
行所當行止當止今年旱魃憂偏方淇衛赤地人徬徨
覃懷老農笑且舞我有萬斛瓊瑤漿卻憶前年斷流咽
渠背坼如龜兆出樂事重追二百年監河使者真仁術

國朝詩鐸

卷五

水利

五

沁源恩波萬古流枋口龍口功相儔晉司馬孚築枋口引沁水以富河內

唐溫造又

司馬溫袁今寂寞天教霖雨付康侯

劉河行

蕭掄

三江禹道跡久訛並海今有劉家河 國朝初載漸湮
塞白公疏濬生煙波百餘年來潮復汐衆流合沓趨透
迤斗門建閘謹啓閉灌溉沙壤生嘉禾河邊鄆市綰海
口烟帆雨舶來經過東洋西洋耀珍怪南海北海通鹹
鹺我昔少年此觀海市上聯袂肩相摩百貨填溢地饒
樂居人醉酒酣笙歌誰知通塞勢無定轉眼大澤填泥
沙前于後康州守于鼂圖康基田事疏鑿百姓疲曳遭撫訶金錢

十萬委流水旋開旋塞堪驚嗟市中老人三歎息安得
海若驅蛟鼉力排積土使深廣幾里依舊來星槎我謂
通商利猶小水旱事關民癢疴東江湮沒淞淩隘川谷
往往成陂陀婁江入海此遺跡東南宣洩幸有他邇來
如人塞其口一遇霪雨憂將多上流奔趨下流塞具區
泛溢可奈何當事誰爲白刺史亟修舊迹休蹉跎

蕭掄詠古詩元人都燕薊一首見政術門

浚河渠

彭兆蓀

日者府帖下云道浚河渠田夫任力役業主任蠲輸朝
擔五斗泥暮去一尺土岍頭鑿鑿催大鼓赤日行天汗

如雨華興翠蓋何雄豪。沿隄鞭扑聲噉嘈。近來官長多
嫻事。不論農桑論水利。吾昨扁舟輦舫過。沙深水淺奈
膠何。舟人指點向予道。此是今年新浚河。

丹徒河

朱·綬

我昔乘舟京口驛。黑泥兩岍如山立。河身日狹地日高。
水縮西風行不得。朝廷帑金費千億。年年畚耨勞民力。
可憐撈淺不撈深。仍使崩沙水中積。焦山海門近咫尺。
擔土何如投大澤。

苦旱行

已卯六七月大旱不雨。余維我鄉號澤國。
然近年菱芡蘆葦梗塞。吳人祇圖目前微
利。互相侵占。不思疏通水道。一遇旱澇。水
無由汲。水莫繼。此一大弊也。本此意作是篇。

柳樹芳

仲夏多雨秋多晴商羊舞罷朱鳥明天公欲以威克愛
驅下旱魃恣憑陵絕無微雲觸石起高張大傘空中行
草木槁死何足惜可憐憔悴禾數莖農人望雨如望歲
桔槔終夜無時停大地爲爐日爲炭忍看萬物同煎烹
吾思備旱之策先導水疏通溝洫江湖平白渠溉田決
爲雨蘇隄衛水湖澄清縱有災沴不爲害天定每以人
力爭平時不講臨事晚嗟此水利何由興沿洄港汊舟
楫斷蔽塞泥淖葑蘆榮寸水欲汲真不易安得手挽天
河傾杞人一夜憂不止曉起又見懸銅鉦

大水行

癸未五月

前人

我吳澤國四面水上承太湖下注海中間橫貫吳淞江
滔滔不盡供輸委積久漸塞水漸停菱蘆占據紛縱橫
長橋以西龐湖南清淺無復烟波生前年重濬淞江道
略去淤泥如去草欲返故道積習難一番利濟枉搜討
年豐幸免淫潦災千門萬戶顛如雷珍窮水陸恣遊讌
樂酣歌舞起樓臺天心那不赫然怒敕下雷霆不返顧
推倒阿香車數兩連宵達旦雨如注雨注水溢喚柰何
東吁南陌浸成河憑高一望水邨地漂廬沈竈無人過
愁來不怨天公譴但願河流通利便疏濬重興忠靖功

謂夏公
原吉

力鋤强暴毋倭佃君不見當年莊中丞惠吳功

德至今稱第一先將水利興

乾隆二十八年莊公有奏
撫吳濬吳淞利及五十年

欒城官舍紀事

八首

桂超萬

縱目覽形勝朝登欒武臺左右尋雙河源泉安在哉故
道犁爲田見利忘其災歲旱澤如燠歲潦濤如雷我爲
補苴計陰雨防未來隴頭廢井修路旁深溝開治河決
恐害浚河塞須排何當疏血脈不使河身埋

治河濬決
支流開之

防汎濫浚河宜
復籌款爲難

穿井謠

廬江勸民
詞之一

朱錦琮

地中皆有水井始黃帝穿無井不成邑有井乃爲田舒

縣常苦旱罕逢大有年高岡田百萬方塘鑿田邊入夏
天不雨徹底無微涓胡不掘爲井水當來九淵一井溉
畝十百井溉畝千占地較塘少興工尤省使山頂泉輕
潯九仞莫棄捐造井古有法載稽玉厯篇清夜置盆水
水中驗星躔星光明大處下即伏甘泉既通底用木入
角甃以輒井幹取質實收綆轆轤圓瓶羸不可用木斗
輕而堅以之代厚水挹注相流連終朝資灌溉隔夜聚
清漣井泉生於地塘水因乎天天時有亢旱地脈無變
遷源泉用不竭旱魃虐無權

從梁茝隣方伯

章鉅

勘吳淞江水利

謝元淮

東南稱澤國農田資水利震澤定橫流三江人以次疏
濬審原委圩岸因地勢蓄洩各乘時旱澇乃有備小民
利目前司牧忘遠計遵守互因循坐令古法廢茲蠲蕪
蘆侵闕塞漫瀆閉淫雨偶爲災汎濫竟莫制所以賢哲
人殷殷獨留意江南數郡田倍蓰供賦稅田僅百之一
賦幾十之四漫淹住拋荒公私交困匱蘇松居下游尾
閭通腸胃飲饑無所消脹滿可立斃治療應早求策效
殊非易東江迹久涸婁水流亦細黃浦同逆河三江已
失二吳淞承太湖獨爲宣洩繫會此今不圖民瘼將難
治黃渡達滬濱高仰節節異新聞東水口吸潮使爲害

潮長沙與俱潮落沙獨滯畚鍤豈能供塗泥棄何地吳
越掠淺夫久廢難復置刻單著議詳宋明開淘繼聚訟
徒紛紜空言鮮實濟要須旺清源禦潮刷濁穢來雖挾
沙米退亦挾沙退以水治水法百年保無弊若決澱渌
流分注吳淞界一如瓜洲河江運雨不礙方伯今召公
下車首農事念爾三吳民辛苦望樂歲欲拯沮洳鄉登
諸社席內棨戟爰親臨溪蕩考支派成算瞭于胸形勢
明若繪老弱扶攜觀奔走指麾蓋謂言六十年盛舉今
見再二江水利自乾隆二十八年莊中丞疏浚後今六十二年矣雖有節挑未著全功父母惟
我公天教活吾輩我聞田父言感激生歎慨經綸濟時

艱仁心衆所賴縣令爲親民大府職察吏但擇守土賢
肯遺斯民累公昔籌宣防遠慮建議議衣帶此江水直
如浚溝澮便擬鄭公渠還歌召伯埭

農政

田制附

踏荒

詩見百家詩存

陸求可

長吏稱善職首在課春耕如何荒阪上石田紛縱橫將
毋因水旱或亦爲軍兵賦斂既以多踐踏復不輕以茲
耕作少遂使蔓草生我行荒田畔招呼集衆氓努力治
堯塉畢志芟茅荆耒耜與牛種吾當爲經營庶幾歲有
秋平疇禾稻盈

國朝詩金
卷三
三
墾荒詞

薛所蘊

亭午炎歊背如炙無牛拖犁躬自拽兩日纔耕一畝田
汗滴焦土渾血色黃昏歸家睡模糊里胥扣門急索租
熟田舊稅完上倉道是新墾荒田糧荒田布種未秀實
官家租稅從何出

周篆熟西北篇見善政門

勸農行

劉廷璣

勸農勸農使君行從者如雲擁出城未聞一語及民生
但言橋圯路不平未知何以惠編氓卻怪壺漿不遠迎
東村淡泊胥吏爭西村更貧難支撐使君已博勸農名

惟願及早迴雙旌。不來勸農農亦耕。勿勞再勸雞犬驚。

厯下城東觀刈麥

彭開祐

九州辨土宜播穫事俱異。惟麥胥務登種尤重齊。地播之法則同穫乃非一器。我行東城東皓華拱晴翠。山前麥正秋刈者。蚤群萃乍觀捷若飛。熟視驚其智。齊人爲我言。武鄉善屯事。制昔朔渭濱。今猶受其賜。長刃是號釧。直鋒而柄植。有網背結之環。張宛箕置網角三繫。繩兜頂便所。使其法用兩人前後不相離。前者截地來兩手。如展翅橫掣。聲砉然斜行。疑掃芻拉朽。兼摧枯同茲勢。猛鷲釧割網。是承舉網即倒委。有幅先繫腰。方廣以

受穗後者盡幅牽狀若逞螳臂掠入間用鉤恐其或旁
墜幅滿輒卸場往復便且亟十鈔刈一頃曾不終朝遲
初刈曰看邊陌頭還坐視甌窶縱滿篝旁觀不敢覬刈
畢曰放圈羣起拾以次絜之且擷之歡趨或顛躓諒此
猶古風遺穗總弗棄來牟既悉登屑斲戶新試重羅白
雪塵豐蕡禮告備紙錢壠上飛是又薦新義爾雅月令
篇纖悉猶未記我觀稷下風因憶江東利治田俗本勤
穫尚遜此易所恃惟霜鎌鞠躬苦盡瘁逝將計歸耕十
畝湖田治擬傳捷法施麥隴器重埭

東郊勸農

臺陽守
任中

錢琦

時雨足芳田駕言出東郭出郭安所之勸民勤力作涓涓溪水流寥寥天宇廓芳草競鮮新野花自開落游覽豈不佳中懷別有託

行行三五里遠見村煙生好風忽微吹散若浮雲輕紆迴緣仄徑軒豁登高坪籬落有新致樹木含古情兒童走相告父老前致迎官爲爾農來爾農慎勿驚聽官殷勤語游情將無成

官昔弄文史不解事犁鋤廿年竊厚祿一飽慙侏儒陶潛歸去來田園已荒蕪田荒尙可治無田將何如爾農幸有田曷弗勤蓄畚旦晚打門急縣官來催租

爾農不古處習做好鬪訟則必終凶勝亦安可用良
田既失時朝餉行乏供剗肉思醫瘡母乃自貽痛水平
波不興馬發勢難控爾農味官言官言微有中

與其豐年玉不如荒年穀所以耕鑿民含哺而鼓腹臺
陽本沃壤一歲凡三熟雨暘況時若大有預可卜荷笠
朝扶犁橫苗晚驅犢此景行繪圖坐聽躋堂祝

紀潘功甫區田種稻事

韓 封

潘子試行區田法躬執耒耜督課忙春糞和泥厚培壅
臘水浸種調元漿線堤參差畫溝塍綺陌高下隨陂塘
元精蟠結根柢固焉用時插勞分秧毋甞捨此麥收利

愛惜地力利乃長請看婁江東臯下苗生彌望交青蒼
一莖五穗得米有高科戔戔六尺強中間一穗實三百
顛倒撐拄頭低昂以此綜核收斂數畝十六石數倍償
不知公從何處得此訣讀書稽古巨眼張參以已意妙
通變以拙勝巧憑評量他年取則徧天下坐看瘠土皆
豐穰旱澇不憂沴戾絕非徒梓里農夫慶嗚呼潘子不
在朝而乃在野功業不居稷契下

紀柳州楊太守勸民開墾荒地事 汪彥博

到都蒼鷹猶可見魯恭馴雉則已無世人不解字氓術
翻笑儒術爲途迂古來網密奸益衆往往聚黨滋萑苻

守令有盜弗敢發畏避文法相欺誣號求治者矯斯弊
盡效嚴酷矜良謨赭衣牽道獄犴滿日對屠伯干號呼
見事風生任威怒何暇惻惻哀其愚楊侯才多抱偉略
建旟邊嶠新分符下車慨然獨有念治民當求牧與教
柳江地曠雜獐獍菁林巖洞藏奸徒首嚴保甲布條教
比閭族黨同提扶夜來且喜盜風息警以守鑿甯停枹
又恐平民失業久流爲邪匪身罹辜爾田爾宅爾自脩
盡募傭值開平蕪刈原彌望盡茅葦官荒亦必官招租
糞田導水蓄牛種勿辭四體勤霑塗要識使君勸耕意
爾詩纖悉堪繪圖此事觀成五年後將使境瘠皆膏腴

乃知本固外可禦治之有序和甘乎試看渤海賣刀劍
請爲叔度歌袴襦

甯夏
采風沙灘田
牧靈武作靈
武隸甯夏郡

楊芳燦

我來更吏考治賦無寸長常恐民力絀勸課違其方弭
節原上卹父老相迎將舉策誚父老念爾不自量不見
古王制三耕備一荒比歲值豐稔猶然無蓋藏而反累
守宰不得充官倉父老拜且語語多情慨慷自言農家
子四體敢惰忘此地多硝鹼春潮凝若霜腐根不出土
嘉穀無由芳又有河孺地風沙卷雷礮往往萬金產廢
爲狐鹿場黃流况屢徙圻墉如排牆君看數種田猶科

現在糧其間可稼處馬體中毫芒孤莖出蕪穢亦立凍
不僵沙鹺之所免隄堰之所鄣耘芋之所壅豚酒之所
襪上熟畝盈石中熟六斗強最下升與豆子本安得償
腰鎌事未已吏牒紛在堂愧荷使君語生事終茫茫余
聞搔首歎此寔古塞疆薈收迺乘旺金饑本不穰百卉
變衰落五種無精良喟彼好事者乃云魚米鄉斯言孰
傳播重爲吾民傷

澤農謠

周 濟

何來一區田不種稷不種秫但種雞頭與茭白茭白水
淺雞頭深水深二尺淺一尺茭葉利如劍雞頭亦多芒

種者低頭水撲面體無完膚恒被傷間渠何不種稻麥
答云租重難爲償此田畝租十六斗斛加一斗恣主量
年年自送上倉去從無蠲減憂災荒焚芟利多猶可給
稻麥利少將何入可憐名號是澤農歲歲將錢買顆粒
居民度地古所慎今世司空竟何職

區田圖爲潘功甫舍人作

齊彥槐

我友子潘子示我區田圖此法本阿衡其詳聞漢書大
略田一畝每歲半畝除所種半畝出每行一尺虛畫畛
欲其寬分行欲其疏惟不盡地力地力乃有餘耕欲深
毋淺耜欲細毋粗源深根自固土細苗易舒不種之一

行翻耕出泥塗三耘復三耨培壅肥如酥種用雪水浸
冷則熬弗虞糞用雜草燒煖則毒可祛天生布穀鳥穀
兩桑間呼鳥呼急播穀不可緩須臾吳農貪種麥麥熟
已夏初拔秧更時之生意離根株地利既竭盡天時復
愆踰入土根不堅枝葉何由敷非不勤灌溉非不事犁
鋤四體終歲疲所獲常區區稻麥各有宜荆揚異青徐
兼種而薄收作計毋乃愚區田不種麥所少惟夏租詎
知當秋成穰穰滿篝車歲豈盡豐稔地豈盡膏腴元氣
葆勿傷雖旱無槁枯去年婁門東試種田壹隅莖生八
九穗穗結千百珠三分畝之二已得十石儲一畝三十

鍾古人豈我誣潘子信豪傑捐田濟鄉閭復訂區田編
以教諸農夫經世事遠大蒼生仰通儒豈直范希文庶
幾稷契徒我有陽羨田歲歉多荒蕪願言秉耒耜學稼
同樊須安得天下農奉此爲楷模廩高齊邱山菜邑四
海無

龍尾車歌

前人

神龍捲水非獨神實有利器藏其身利器在鬣不在鱗
鬣附於尾旋轉勻九天雲垂尾一伸水隨鬣轉轉入雲
泰西儒者生海濱所居殆與蜿蜒隣無事靜觀龍取水
製爲水車像龍尾八繩附臬螺絲旋繚繞往復成迴川

兩頭空洞桶底脫半腰約束環中圓飛流直下三千丈。
水不自知其已上激浪奔騰似決渠神機活潑如翻掌。
江南農家抄蓋藏踏車十日憂無糧泥沙拋棄吁可惜。
源斷澤竭終成荒盍觀此龍尾掉河尺水可以興洪波。
內無退轉外無漏崇朝百畝如滂沱一車當五人當十。
用力甚少成功多八家同井辦一具旱澇不患田無禾。
利熊二士來西海法入中華三百載布衣能述不能行。
霖雨還須有人在侯官中丞今大賢講求水利籌農田。
聞余述作亟欲覩二龍躍上荆溪船草橋試車日卓午。
傾城士女觀如堵雲蒸霧湧噴薄來歡呼動地聲如雷。

塘寬十畝深二尺車乾七寸纔三刻中丞大笑與我言
此利不止關田園邇來洪湖拍天際懷襄往往爲民厲
千車倒挽刷黃流兩壩三河可長閉劉河堙塞久欲疏
車水遲遲恐糜費伐輪百部真河濬畚畚與工日可計
蕭掄詠古詩明田行周世一首見政術門

撫彝沙

許乃穀

衙散孳孳堂鼓撾鄉里小兒來訟沙沙乎何曾一錢值
乃亦爭此堪歎嗟爲言以沙糞阡陌麥苗易青禾易碧
鎮彝不用沙肥田直把膏腴委荒磧君不見用才得所
皆美林遷地勿良君莫猜小兒小兒汝莫哭我能辟地

開渠供爾千家之饅粥

嶺南勸耕詩十二首

徐榮

東風入新年海氣吹淺綠茫茫潮花田矮矮榕樹屋開

燈聚隣里添丁酒新熟

粵俗正月十三日里社結棚開燈里中去歲生子者出添丁酒

一老人城中來打春適寓目今歲土牛黃爆花不須卜

迎春日聚東郊觀土牛競以紅豆五色米糰之曰打春占書云土牛頭黃主熟田家五行志雨水節以享婁花

占年享婁花今嶺南謂之爆花視我翻根泥理我肩尾瀆明朝擇黃道

送兒入鄉塾農亦從此忙流光甚奔促

正月

社翁來行田不食舊牛水

提要錄社翁不食舊牛故社日必有雨

曉來新

雨過生機盎然起瓦盆預安排浸種及時矣波平吹鴨

頭泥軟排燕齒南岡麥可收高田亦須理

二月收麥亦

其田遍至四春耕尋手勞古語已如此

勞擾也齊民要

月可種早禾秋耕待老牛爾母疲美終在勤始不見鴉鳩聲濛濛木

棉裏二月

春不分不暖禾不分不强恹恹及清明處處傳栽秧載

肥白木桶擔禾黃篾筐一蘸一時之布列各有行之糞謂

分秧時蘸而彎身鶴俯啄筋骨每恐傷日午家人來白

飯聞魚香非無多牛翁批耕安且良

佃田日不如甘微

勤食力味更長三月

種山候星尾種潮候水節

廣東新語瓊州芒種日以星

候秧柳犁尾星出則秧死豬

尾星出則秧黃二星在南極下潮田或秧艇下雄田來
日雄田即駱田也三四月乘水節種之秧艇下雄田來
往快一瞥東家鹽罷燒西潭草亦絕是時天四空踏痕
萬頃雪堂堂沙頭來督作甚嚴切淋灰及潮退蜞蜢敢
萌孽豚蹄祝夫人風醉神自悅明年沙裙生燈歌報神
烈沙田一歲種草四歲種禾禾既收以海水淋稈燒爲
鹽其尤濱海者曰沙潭總仰曰沙頭新生子沙日沙
諸每日潮上蜞蜢蛤蜊之屬隨來傷禾預以灰治之日
淋灰所祀禾穀夫人附會爲姜嫄實不知何神四月
出耘及五月稻花亦已齊蕭蕭天無雲田水如琉璃上
有炙背日下有沒骸泥忽然白雨來更替相蒸炊諺云
壯須白撞此景那易繪此情焉敢疲不受路人憐不求官府
知回頭語大兒此田曾祖遺但願汝能勤常如吾此時

五月

六月早造成

一收謂

是為小豐年深頭荔枝熟菱藕皆

森然果物不足珍去去行吾田芄芄大小暑

稻名

粒粒垂

朝煙收割喜及時嘗新隨所便牆東芋屋開雜煮香拳

拳

諺云六月六開芋屋耕者切芋成粒和米煮為飯不全食稻也

小人貴知足何必羅

輦殖積儉抵常豐人力可勝天

六月

上穀納官倉次穀私廩盈餘穀棲畝間飼鶴亦長成處

處結緣茶邨邨田了聲

廣東新語東莞麻涌諸鄉以七月十四日為田了節兒童爭吹

蘆管相慶謂之吹田了十五日孟蘭會相餉龍眼檳榔曰結緣潮州謂之結星田事詎易了晚

造方催耕濕藁及分秧愛此處暑晴秋風來何時餘熱

方與爭

七月熱更甚謂之爭秋熱

縱橫水松陰十里溪流清作勞且

暫憩上有涼蟬鳴

七月

七月天雨金八月天雨銀

諺

雨夜休雨晝晝雨傷禾身

糞田事已畢暫得爲閒人昨日作秋社今朝祠祭新

宗

尤重秋祭常藹藹見昭穆油油任天真微昨出先澤孩

稚有必均醉話夕陽中此樂難具陳嗟哉逐末徒去鄉

離六親

八月

江鄉不知寒雲山四時翠微霜變烏柏始覺有秋意出

門行黃雲雲濶浩無地潮來龍骨鳴潮去禾蟲醉

禾蟲狀如

蜈蚣長一二寸夏秋間早晚稻將熟蟲自根出俟潮長入田乘潮出海村民因網取食之

西風吹黃

魚拍拍開雨翅聯翩海上來趁此煙雨穠但願年屢豐

飲啄爾何忌

黃雀亦名禾花雀較瓦雀微小綠毛紅距九月海上來千百爲羣以禾花爲糧相傳

黃魚所化十月復入海廣潮嶼海地沃行數百里皆田任其食無害於稼土人網取食之蹂踐所傷多於雀食

故田主禁人獵取云

降占行可收

霜降收者名降占

場圃當預治

九月

孟冬大禾熟

嶺南尤重晚造名之曰大禾

晚收當此時田車挽獨輪

村艇撐瓜皮日入捆載歸庭宇香粳粳餘利及寡婦秉

穗有滯遺豈惟積高廩社倉無所虧君看大田稔可備

終年炊幸哉太平民鼓腹當雍熙歌舞答神庥報賽焉

敢遲

十月

行船不饒風耕田不饒土

諺

穡穡事既以登餘力及蔬圃

晚造既登種蔬或麥冬泥須早翻舊隄亦當補人言農
謂之春花實三收也家樂所樂在辛苦東隣習奢逸被服賤麻縷今年已賣
田兒輩當記取隨分畢婚嫁努力撐門戶莫嫌鄉風陋
此事自太古十一月

雷南地氣暖臘鼓聲和柔酒釀宜老人新釀已可芻刮
塘魚正美橙櫛非外求團欒聚兒孫色笑何油油傳聞
雷瓊間新秧此時抽雷瓊間皆三收十二月熟沃土何必羨
惟勤服先疇乘屋及閒暇犁耙亦待修舊雷接新雷明

春當有秋

十二月

水利補

汴城開渠浚壕紀事

孫灝

汴城周袤二十里四方商賈填溢城中無水道
患積潦沮洳不可行環城之壕半湮塞水無所
宅癸丑歲總制王公周闔相度宜開渠浚壕請
于朝許之工成勒諸石余從襄事賦詩紀績

汴水源出大周山京索須鄭來赴之東流一支別爲蔡
古之漕運千帆移趙宋故都河穿郭水門上下流瀾瀾
至元以來就堙塞鴻溝蕩蕩車轂馳灌城賊訐自明季
沙壅土積高纍纍大梁城中十萬戶四達之衢九達達
千輪蹄走百賈集魚鱗萬瓦紛參差泥中積潦苦漫漶
水無歸宿將安支環城塹壕久淤澱空有其號無其施
黔南公來急民事大召僚吏告有司此而不圖困土處

具爾畚揭宜毋遲譬如人身有脈絡血氣隔閼四體虧
溢者欲疏淤欲濬上奏 天子條其宜 九重恩沛

制曰可吾 皇保赤垂洪慈城中之渠利用鑿涓滴入
地曲折隨十三橋乃覆其上千四百丈長有奇四門掘
壕數且倍衆流輸寫奔高陂匪惟導水水有宅兼豐物
產饒生滋紅蕖綠芰雜蒲葦魚蝦螺蛤隨取資其旁植
以萬條柳其下拂拂風徐吹汴人額手拜且舞遂告訖
事書之碑我聞水利首六府火金木土穀兼治以溝蕩
水瀦蓄水町防偃規王政遺水渠溝洫古所志師古不
泥宜權時汴蔡故道那可復漕運四渠亦奚爲但令去

患收所利疏鑿最是關蒼黎金水之河到城下歸壑曠
望心神怡從茲作息戴高厚歌詠 聖澤流聲詩

國朝詩鐸卷五終

國朝詩鐸

卷五 水利補